

Ака́фист преподо́бному Трѣ́фону, Пече́нжскому чудотво́рцу.

Па́мять 15 /28 декабря.

Конда́к 1

Избра́вшу тя Пасты́ренача́льнику Христу́ во апо́стола страны́ се́верныя, / а́бие отрёнул еси, досточу́дне Трѣ́фоне, / міра сего́ кра́сная, / претерпе́л же вся́ко озлобле́ние, / благовести́л еси́ се́дѣщим во тме и се́ни сме́ртней Бо́га я́вляшагося плото́ю: / те́мже со апо́столы сра́дуется дух твой в небе́сных оби́телех. / Име́я у́бо дерзнове́ние ко Христу́ Бо́гу на́шему, / от вся́ких бед изба́ви нас зо́вущих: /

Ра́дуйся, Трѣ́фоне, // страны́ се́верныя просвети́телю, Пече́нжский чудотво́рче.

И́кос 1

А́нгелы Сво́я страна́м и язы́ком предста́тели дарова́вый Бог, / егда́ при́иде вре́мен исполне́ние, / моле́ния ра́ди а́нгела земли́ Ко́льския, я́же близ океа́на хла́дна, / и наро́да ло́пска предста́теля, / призва́ тя во благове́стие, всехва́льный Трѣ́фоне, / я́ко да спасе́ни бу́дут лю́дие тии. // Помина́юще у́бо сия́, вопие́м ти:

Ра́дуйся, свяще́ннаго ко́рене благо́е прозябе́ние;

Ра́дуйся, оби́тели Пече́нжския свято́е прославлéние.

Ра́дуйся, от те́мных страсте́й невозврати́то удали́выйся;

Ра́дуйся, про́мыслом Бо́жиим к ре́цѣ Пече́нге пресе́ливыйся.

Ра́дуйся, оби́тели Тро́ицы Свято́й зижди́телю неусыпа́емый;

Ра́дуйся, Сло́ва Бо́жия исто́чнице неиссяка́емый.

Ра́дуйся, сла́дость житѣ́йскую нивочто́же вмени́вый;

Ра́дуйся, идо́льский мрак в послéдних земли́ упраздни́вый.

Ра́дуйся, Трѣ́фоне, // страны́ се́верныя просвети́телю, Пече́нжский чудотво́рче.

Конда́к 2

Крѣст Христо́в взѣм, на покая́ние изше́л еси от ю́ности твоея́, /
яко разбо́йник, испове́даяся и слезя́: / помяни́ мя, Го́споди, во
Ца́рствии Твоѣм. / Бо́гу послужи́л еси́, послуша́ние мона́шеское со-
блю́л еси́, / чистоту́, смире́ние, нестяжа́ние и терпе́ние тяжкими
труды́ своими́ обрѣ́л еси́. / Те́мже и мы, почита́я тя, мо́лим: / препро-
дѣ́бне о́тче Три́фоне, помози́ нам в сих добродѣ́телях преуспе́ти / и
Христу́ воспева́ти: // Аллилу́иа.

И́кос 2

Не хотя́ Госпо́дь искорени́ти тщѣ́тнаго и суетнаго, / наказу́я
наказа́ тя Госпо́дь, сме́рти же не предаде́ тя. / А́нгелов подобника и
бесѡ́в противобо́рца прови́дя тя всея́ тва́ри Зижди́тель, / на по-
кая́ние огласи́ тя, яко второ́го Па́вла, / и человеколю́бно к Себе́ при-
зва́. / Правосла́вным смы́слом ю́ношская возжелѣ́ния возненави́дев,
о́тче наш Три́фоне, / клеверѣ́ты и вои́ своя́ оста́вил еси́. / Мы же,
ви́дяще чу́дное Бо́жие смотре́ние о призва́нии твоѣм, // вопие́м ти
си́ще:

Ра́дуйся, гра́да Торжка́ священно́е и благо́е прозябе́ние;

Ра́дуйся, от ю́ности плотски́х стра́стей жесто́кое умерщвле́ние.

Ра́дуйся, тесне́йшую бо воздержа́ния стезею́ шествова́вый;

Ра́дуйся, чад лopáрских лю́бомудренно воспита́вый.

Ра́дуйся, пусты́нным жити́ем в до́бром изволѣ́нии утвер-
ди́выйся;

Ра́дуйся, отсека́ти свою́ во́лю грехо́вную научи́выйся.

Ра́дуйся, вся кра́сная ми́ра сего́ нивочто́же вмени́вый;

Ра́дуйся, жити́ем жесто́ким плоть свою́ крѣ́пко смири́вый.

Ра́дуйся, Три́фоне, // страны́ се́верныя просвети́телю, Пе-
че́нжский чудотво́рче.

Конда́к 3

Бу́ри океа́на хла́дна не убо́явся, / лю́бовию Христо́вою согре-
ва́емь, / в пусты́ню дивию́ всели́лся еси́. / Постомъ, покло́ны,
стоя́нием на моли́тве, / бде́нием неуста́нным плоть свою́ умертви́л
еси́, / в по́двизехъ дневныхъ и но́чныхъ течѣ́ние соверши́л еси́ / и

наро́д лопáрский в ве́ре наста́вил еси́, / хла́д и мра́к ду́ш их разго-
ня́я, / во е́же чи́стым се́рдцем и усты́ воспева́ти Бо́гу: // Аллилу́иа.

И́кос 3

Я́ко и́стинный во́ин Христа́ Бо́га, / на стра́сти и ко́зни бе-
со́вския вельми́ подвижа́лся еси́, / поще́ньми стро́гими и слéзными
из глубины́ воздыха́ньми. / Ны́не Све́ту Вели́кому, я́ко венéчник
святы́й, предсто́йши, / помина́й изря́дное твоё досто́яние, / е́же
мно́гими труды́, о́тче, стяжа́л еси́. / Да и мы, помина́юще у́бо сия́, //
воскли́цаем ти:

Ра́дуйся, я́ко благода́ть Бо́жия изли́йся на тя́ богáтно;

Ра́дуйся, истреби́вый мглу́ страсте́й невозврати́то.

Ра́дуйся, возгоре́выйся и́стовым раче́нием к го́рнему;

Ра́дуйся, я́ко ве́твь тво́я изы́де от Лозы́ Иесе́ева ко́рня.

Ра́дуйся, же́стость пу́стыни лопáрская зело́ возлюби́вый;

Ра́дуйся, во язы́це ва́рваров тщету́ и́долов обличи́вый.

Ра́дуйся, Феодори́та Ко́льскаго усер́дный сорабо́тниче;

Ра́дуйся, Стефа́на и Евфи́мия досто́йный прие́мниче.

Ра́дуйся, Три́фоне, // страны́ се́верныя просвети́телю, Пе-
че́нжский чудотво́рче.

Конда́к 4

В ме́сто от ме́ста прехо́дя, / бе́гая мирски́я сла́вы от челове́к, /
небе́сныя сла́вы рачи́тель бы́в, о́тче преподо́бне Три́фоне, / в пу-
сты́ни безчи́сленно прия́л еси́ от бесо́в вся́кая пу́стынная страхо-
ва́ния / в препя́тие спасе́нию тво́ему. / Оба́че ле́стных мечта́ний и
тя́жких страсте́й мрак разгна́в, / све́том добродете́лей возсия́л еси́, /
во е́же чи́стым се́рдцем и усты́ воспева́ти: // Аллилу́иа.

И́кос 4

Слы́шаще и́долов посрамле́ние от тебе́, / злочести́вии люди́й
си́х учи́телие, но́йды нарица́еми, / злобу́ ве́лию воздвиго́ша на тя́,
преподо́бне, / по ланито́ма би́юще, по ка́менем влача́ще и и́ны
па́кости де́юще. / Мы́ же, зря́ще тя́, со смире́нием тако́вая
прие́млюща, / уми́льно вопие́м ти:

Ра́дуйся, в са́мый кра́й земли́ се́верныя стопы́ сво́я устре-
ми́вый;

Рáдуйся, кóзни лукаваго сíлою Бóжиею победíвый.

Рáдуйся, я́ко сло́во твоё я́звит сердца́, преле́стию окаменённая;

Рáдуйся, я́ко Па́вел от иуде́й, зауше́ния приёмы́й уничи-
же́нная.

Рáдуйся, я́ко мре́жами твои́ми мно́жество гíбнущих ду́ш
уловля́ется;

Рáдуйся, я́ко лица́ твоего́ свётлостію сло́во Бóжие утверж-
да́ется.

Рáдуйся, а́нгела предста́теля страны́ се́верныя себё яви́вый;

Рáдуйся, пусты́нниче, мирску́ю сла́ву нивочто́же вмени́вый.

Рáдуйся, Три́фоне, // страны́ се́верныя просветі́телю, Пе-
че́нжский чудотво́рче.

Конда́к 5

Боготéчней звездé уподо́бился, / всю́ страну́ се́верную обте́кл
еси́, досточúдне Три́фоне. / Я́ко бо денни́ца, со́лнцу прехо́дящая, /
от язы́ка лóпска привёл еси́ ко Христу́ ча́д мно́жество, / и́же со
умилéнием се́рдца при́ймше крещéние, / возопи́ша о тебё́ Бо́гу: //

Аллилу́иа.

И́кос 5

Видéние бе дíвное, / егда́ от мра́чна невéдения язы́цы
ва́рварстии, / тобо́ю приведе́ннии, Христо́ви сочета́шася: / земля́ бо
Полно́щная и не́беса Ра́йская ликовáша, / во стру́ях Пече́нги и
Па́зреки, áки Иорда́на и Днепра́, / зря́ща мно́жество крещáемых и
Христа́ сла́вящих. // Сего́ ра́ди вопи́ем ти́:

Рáдуйся, гла́се вопи́ющаго, к наро́ду лóпскому́ зва́нный;

Рáдуйся, Кресті́теля Христо́ва собесéдниче избра́нный.

Рáдуйся, я́ко тма́ зло́бы полно́щной от тебё́ разори́ся;

Рáдуйся, я́ко трапе́за бесóвская нивочто́же вмени́ся.

Рáдуйся, мно́га ча́да водо́ю и Ду́хом роди́вый;

Рáдуйся, во Христо́ве познáнии до ве́ка их утверди́вый.

Рáдуйся, хра́мы святы́я в землі́ Пече́нжстей сотвори́вый;

Рáдуйся, равноапо́стольное служéние в землі́ Ко́льстей нам
яви́вый.

Рáдуйся, Трѣфоне, // страны́ сѣверныя просветѣтелю, Печѣнжскій чудотворче.

Конда́к 6

Добродѣтелей труды́ и по́ты, Трѣфоне, / по́кой со всѣми святы́ми при́ял еси́, / ѡ́хже возвесели́л еси́ своѣм жити́ем, / при́йм о́браз а́нгельскій, ве́лию о́битель Святы́я Трѣицы на Печѣнзе созда́л еси́ / и мона́хов мно́жество собра́л еси́, / по́я Христо́ви: // Аллилу́иа.

Ўкос 6

Отоше́л еси́, о́тче святы́й, во страны́ Вели́каго Но́ва гра́да / и та́мо пребы́л еси́ нищ и просѣ́тель, / от гра́да во град, от ве́си в ве́сь страна́мствуя / и испроша́я ми́лостыни, я́же на пропита́ние бра́тий посыла́л еси́, / я́ко ко́кош, собира́я семена́ для птенце́в своѣх и пита́я вся́ це́лыя о́смы́ лѣт. / Та́ко возсия́ во мра́це полно́щнем о́битель от тебе́ созда́нная. // Те́мже ра́дующеся вопи́ем ти́:

Рáдуйся, куку́лем, я́ко венце́м незло́бия, главу́ увязи́вый;

Рáдуйся, вери́гами тяжкими́ чре́сла сво́я препоя́савый.

Рáдуйся, я́ко Моисе́ову терпе́нию в пусты́ни подража́л еси́;

Рáдуйся, я́ко оскудѣ́ние монасты́рское пода́нием исполня́л еси́.

Рáдуйся, ка́меню, на нёмже о́битель Печѣнжская́ созда́ся;

Рáдуйся, я́ко от тебе́ кня́зь ми́ра возстена́ и во́инство его́ попра́ся.

Рáдуйся, я́ко в жили́щих тмы́ Свѣ́т Невече́рний славосло́вится;

Рáдуйся, я́ко песнь ве́ликая в вы́шних трегу́бо песносло́вится.

Рáдуйся, Трѣфоне, // страны́ сѣверныя просветѣтелю, Печѣнжскій чудотворче.

Конда́к 7

Глаго́лом си́ла Божѣ́ственная послѣ́дующая познава́шеся / от ца́ря Иоа́нна чу́вственне, / он же возлю́бил е́сть на́дальну о́битель земли́ Печѣнжскія, / наипа́че же тебе́, преподо́бне, / и, воздарова́в гра́мотою несудѣ́мою, / и богáтно коло́колами, и церко́вною у́тварию, / отпу́стил е́сть ве́ликий Ца́рь с ми́лостивым при́зрѣнием. /

Ты же, дивяся таковому попечению Бóжию об обітели твоёй, / воспева́л еси́ Богу: // Аллилу́иа.

Ўкос 7

Благочести́вому царю́ Феодору явля́ся, о́тче преподо́бне, / от сме́ртельнаго злаго́ умы́шлє́ния свѣтцких нѣмец / спа́сл еси́ сего́ ру́ки прикоснове́нием, / о́ному же ты спаса́теля сея́ напа́сти получи́ша, / і́мя твоѐ увѣдети хотя́, / ты же и си́е возвести́л еси́. / Сего́ ра́ди чудодѣ́ющему Бо́гу / во святы́х Свои́х сла́ву воссыла́ем // и ты, о́тче, ублажа́ем:

Ра́дуйся, я́ко Вели́кий ца́рь прише́ствию твоєму́ зело́ удиви́ся;

Ра́дуйся, я́ко явлє́нием Бóжiego смотре́ния то́й возвесели́ся.

Ра́дуйся, си́льным ми́ра сего́ чудодѣ́йственне явлє́нный;

Ра́дуйся, смире́ния ра́ди от сих зело́ вознесе́нный.

Ра́дуйся, Гро́зным царѐм досто́йне почтє́нный;

Ра́дуйся, сы́ном царѐвым любѣ́зно ода́рённый.

Ра́дуйся, я́ко госуда́ревой ми́лостынею обі́тель тво́я снабде́ся;

Ра́дуйся, я́ко благоче́стием царѐй держа́ва Росси́йская превознесе́ся.

Ра́дуйся, Три́фоне, // страны́ се́верныя просвети́телю, Печѣ́нжский чудотво́рче.

Конда́к 8

Во гра́де Ко́ле купи́, о́тче наш Три́фоне, / же́рновы ручны́я нема́лыя и тяжкия́ / и на ра́мех свои́х во обі́тель нести́ изво́лил еси́. / Ученицы́ же моли́ша ты, да не труди́шися излі́ше. / Ты же рече́ им: / ўне на вѣи́ своѐй обѣ́сивый осѣ́льский ка́мень носи́ти, / неже́ли бра́тию пра́зднством соблажнѣ́ти. / И путе́м бла́тным и горі́стым со бре́менем тяжким иды́ше, / в посте́ вели́цем пребыва́я, ни ма́ло яды́й, воспева́я Бо́гови, / пода́ющему ти́ си́лы таковы́я: // Аллилу́иа.

Ўкос 8

Еди́ножды прише́д в кѣ́ллию твою́, о́тче святы́й, / медве́дь ди́вий и зело́ вели́к, / и нача́т угото́ванное те́сто просфо́рное я́сти. / Ты́ же І́менем Иису́са Хри́ста повеле́л еси́ зве́рю: ста́нь се́мо кро́ток. / И ста́ зве́рь пред но́гама твои́ма недви́жим. / Взе́м ве́лие дре́во, бия́ше зве́ря, / и, наказа́в, завеща́ близ обі́тели впре́дь не

пáкостити, / и отослá тогó в пустýнню. / Мý же дивящеся сýле
Бóжией, / дéйствующей в тебé благомóщно, // вопи́ем ти:

Рáдуйся, благодáти испóлненный, отонúду́же повинýся тебé
звёрь дýвий;

Рáдуйся, хранíteлем непрестáнного воздержáния бýвый.

Рáдуйся, я́ко звéрие лю́тии т́я цар́я себé смире́нно позна́ша;

Рáдуйся, я́ко Печéнжская бра́тия т́я иску́сна предводíteля
прия́ша.

Рáдуйся, бо́дрствованию духо́вному мно́ги йно́ки научíвый;

Рáдуйся, устáвы оте́ческие во обíteли крéпко водворíвый.

Рáдуйся, богомы́слия и молча́ния изрядный хранíteлю;

Рáдуйся, ко стяжа́нию благ небéсных му́дрый руководíteлю.

Рáдуйся, Три́фоне, // страны́ се́верныя просветíteлю, Пе-
че́нжский чудотво́рче.

Конда́к 9

Пéние всеумилéнное прино́сим т́и, досточúдне Три́фоне! /
Жиждíteля обíteли на мирстéм конце́ полу́нощи / и крéпкого
наста́вника мона́хов т́я почита́ем, / твоéю бо стезёю войсти́ну мно́зи
пра́во ходи́ти позна́ша. / Блаже́н еси́, уго́днице Христо́в и áнгелов
собесе́днике, / преподо́бных соприча́стнике и пра́ведным едино-
на́вный, / с ни́миже моли́ся Го́сподеви, / поя́ пéснь немóлчную: //

Аллилу́иа.

И́кос 9

Войсти́ну сна́ тво́йма очýма не дал еси́, / богоблаже́нне óтче
наш Три́фоне, / ниже́ плóти твоея́ упоко́ения, / Бóжиею сýлою
укрепля́емь, / связýя мно́гая враго́в ополче́ния, / над страстьми́ во-
цари́лся еси́. / Те́мже попече́ние о па́стве твоéй прия́л еси́ / и
обíteль чýдную во й́мя Святы́я Тро́ицы созда́л еси́, / Ю́же моли́,
преподо́бне, дарова́ти ве́лию ми́лость // умíльно т́и вопию́щим:

Рáдуйся, о́бразе пустынножи́телей и о́бщаго жити́я
устроíteлю;

Рáдуйся, ино́ческих устáвов и обе́тов стрóгий блюсти́телю.

Рáдуйся, лени́вых подвигну́вый тво́им нра́вам послéдовати;

Рáдуйся, ревни́вых призва́вый Благода́ть Госпо́дню изве́дати.

Рáдуйся, я́ко ученики́ твой, Ио́на и Ге́рман, вѣну почита́ются;
Рáдуйся, я́ко игу́мен Гу́рий с бра́тией даро́в Ду́ха сподоб-
ляются.

Рáдуйся, Святы́я Тро́ицы оби́тели усердный зижди́телю;

Рáдуйся, преблагий и му́дрый бра́тства Печѣ́нжскаго учи́телю.

Рáдуйся, Три́фоне, // страны́ се́верныя просвети́телю, Пе-
че́нжский чудотво́рче.

Конда́к 10

Оби́тель во и́мя Живонача́льныя Тро́ицы устро́ил еси́, / бого-
му́дре о́тче наш Три́фоне, / а́ще бо и по́слежде ле́ты ты новопросве-
ще́нная страна́ Ко́льская возрасти́, / но дре́вних че́сти сподо́бился
еси́, / дарова́ния чуде́с досто́йно прие́м. / Во оби́тели тво́ей мона́хов
мно́жества песносло́вят и правове́рную ве́ру хва́лят, / покая́ющееся
уче́нием Христо́вым, / Егóже моли́ спастися душáм на́шим / и со
святы́ми пе́ти: // Аллилу́иа.

И́кос 10

Я́ко в небе́сных черто́зах / добродѣтели дом предугото́вал еси́
себе́, Три́фоне, / и весѣ́лие, и ра́дость, и сла́ву ве́чную восприя́л еси́,
прему́дре, / и ны́не вои́стину я́сно зри́ши Святу́ю Тро́ицу / и то́ки
чуде́с источа́еши. / Сему́ Бо́жию о тебе́ благоволе́нию дивя́щися, //
воспева́ем ти си́це:

Рáдуйся, Пресвяты́я Тро́ицы изря́дный почита́телю;

Рáдуйся, оби́тели твое́я прѣ́сный пред Бо́гом предста́телю.

Рáдуйся, в отхо́дную пу́стынь Успе́нскую с моли́твою все-
ли́выйся;

Рáдуйся, богомы́слием и молча́нием на врага́ воору́живыйся.

Рáдуйся, вели́ким отца́м Солове́цким в ре́вности ра́вный;

Рáдуйся, от потопле́ния морска́го спаса́телю сла́вный.

Рáдуйся, благопотре́бне в Полно́щной земли́ возсия́вый;

Рáдуйся, Ду́хом Святы́м чуде́с благода́ть источа́вый.

Рáдуйся, Три́фоне, // страны́ се́верныя просвети́телю, Пе-
че́нжский чудотво́рче.

Конда́к 11

По мно́гих сво́их пу́стынных труде́х, о́тче преподо́бне, / в ста́рости масти́те впаде́ в боле́знь и изнемо́же зело́. / Преше́дшей же бра́тии со игу́меном Гу́рием рече́: / не скорбите́, бра́тия моя́, и в до́брый пу́ть течéния моего́ не пресеца́йте, / и не любите́ ми́ра, ни я́же в ми́ре, / все́ упова́ние свое́ возложите́ на Бо́га. / Мы же, внима́я премуд́рым словесе́м тво́им, / вопие́м Бо́гу: // **Аллилу́иа.**

И́кос 11

Егда́ же прия́л еси́ коне́чне, о́тче наш Три́фоне, / Пречи́стое Те́ло и Святу́ю Кро́вь Христо́вы, / зело́ изнемо́же, и прослезы́ся, рече́: / на оби́тель сию́ святу́ю бу́дет тяжкое́ искуше́ние, / и от острия́ мечá умучатся мно́зи; / но не ослабева́йте, бра́тия моя́, упова́нием на Бо́га: / не оста́вит бо жезла́ грешных на жре́бии Своём и па́ки обновит оби́тель. / И просвети́ся лице́ твоё, / и предаде́ святу́ю ду́шу свою́, Святе́й Тро́ице тёплый служи́телю и Пречи́стей Богома́тери благода́рен. / Мы́ же, взира́я на блаже́нную кончи́ну твою́, // вопие́м ти́ си́це:

Ра́дуйся, в ста́рости масти́те ко Христу́ пресели́выйся;

Ра́дуйся, до конца́ жити́я во оби́тели потруди́выйся.

Ра́дуйся, я́ко тобо́ю ча́да лopáрская вла́сти идóльския изба́вились;

Ра́дуйся, я́ко бра́тия тво́я Христу́ чи́стыми предста́вились.

Ра́дуйся, беду́ гряду́щую и день лют в Бо́зе я́сно созерца́я;

Ра́дуйся, оби́тели твоёя разоре́ние в Ду́се предпри́явый.

Ра́дуйся, и по отше́ствии своём оби́тель, я́ко роди́тельник, соблюда́я;

Ра́дуйся, в невече́рном днѣ Ца́рствия Бо́жия при́сно почива́я.

Ра́дуйся, Три́фоне, // страны́ се́верныя просвети́телю, Печен́жский чудотво́рче.

Конда́к 12

Воссия́ днесь пресве́тлая и всепра́зднственная па́мь тво́я, пресла́вне Три́фоне, / созыва́ющи многочи́сленное по́стников сосло́вие, и преподо́бных ликостоя́ния, / и мона́хов ве́лие бра́тство, /

коих страсти душетлѣнныя успѣл еси, блаженне, / бодренными
бдѣнии, молитвами непрестанными и крѣпчим пощѣнием, / и сих
ради в чертогъ Небесный чада своя вселил еси, богомудре Трифоне, /
с ними вкупе поя Богу: // Аллилуиа.

Икос 12

Память твою творящим священную, отче Трифоне, / не пре-
стай со всеми святыми земли Кольския / молити Христа Избавителя
даровати согрѣшением оставления / и Небесное Царство воспріяти,
/ идеже глас празднующих веселитъ вся, / и восхваляющихъ тя, версто
предобрая, / от всехъ лютыхъ спасай, // сѣе взывающихъ ти:

Радуйся, Пресвятыя Троицы верный служителю;

Радуйся, на небесѣхъ о насъ теплый предстателю.

Радуйся, молѣніями твоими демоновъ тму разогнавый;

Радуйся, страсти душетлѣнныя всеконечно поправый.

Радуйся, воине добропобѣдный, Христова прославление;

Радуйся, обители Печѣнжския славо и удобреніе.

Радуйся, монашескаго житія в послѣднихъ земли первоначальниче;

Радуйся, Церкви нашея похвало и теплый предъ Богомъ печальниче.

Радуйся, Трифоне, // страны северныя просветителю, Печѣнжский чудотворче.

Кондак 13

О, преподобне и досточудне отче нашъ Трифоне! / Живона-
чальней предстоя Троице / в неприступномъ свѣте и радости неиз-
глаголанней, / приими сѣе отъ умиленнаго тѣ сердца возносимое
хвалѣніе / и не прѣстай моляся о насъ, / да поживше благочестне, по
успѣнии нашемъ срѣтени отъ тебѣ обрящемся на небесѣхъ / и воспоѣмъ
Богу со ангельскими лики: // Аллилуиа.

(Этотъ кондакъ читается трижды, затѣмъ икосъ 1-й и кондакъ 1-й)

Їкос 1

Ангелы Своя странам и языком предстатели даровавый Бог, /
егда прииде времён исполнение, / молёния ради ангела земли
Кольския, яже близ океана хладна, / и народа лопска предстателя, /
призва ты во благовестие, всехвальный Трифоне, / яко да спасёни
будут людие тии. // Поминающе убо сия, вопиём ти:

Радуйся, священнаго корене благое прозябение;

Радуйся, обители Печёнжския святое прославление.

Радуйся, от тёмных страстей невозвратно удаливыйся;

Радуйся, промыслом Божиим к реце Печенге преселивыйся.

Радуйся, обители Троицы Святой зиждителю неусыпаемый;

Радуйся, Слова Божия источнике неиссякаемый.

Радуйся, сладость житейскую нивотомже вменивый;

Радуйся, идольский мрак в последних земли упразднивый.

Радуйся, Трифоне, // страны северныя просветителю, Пе-
чёнжский чудотворче.

Кондак 1

Избравшу ты Пастыреначальнику Христу во апостола страны
северныя, / абие отринул еси, досточудне Трифоне, / мира сего
красная, / претерпел же всяко озлобление, / благовестил еси се-
дящим во тме и сени смертной Бога являшагося плотию: / темже со
апостолы срадуется дух твой в небесных обителях. / Имея убо
дерзновение ко Христу Богу нашему, / от всяких бед избави нас зо-
вущих: /

Радуйся, Трифоне, // страны северныя просветителю, Пе-
чёнжский чудотворче.

Молитва преподобному Трифону, Печенжскому чудотворцу

О, Всесвятѣя Трѳіцы слáвный угóдникѣ, о, блажéннейшій и равноапóстольный пáстырю, преподóбне óтче наш Трѳоне! Не забúди пáсты твоѣя и поминай во святѣх твоѣх и богопріятных молѣтвах стадо твоѣ, ёже сáм пришéствием твоѣм собрал и упáсл есѣ.

Вéмы бо, угóдникѣ Бóжій, кáко правослáвным смýслом юношская возжелéнія возненавѣде, клеврéты и вóи своѣ оставил есѣ. Ангелов подóбника и бесóв противобóрца провѣде ты всеѣ твáри Зиждитель, на покаяніе огласѣ ты, я́ко втораго Павла, и чело-веколю́бно к Себѣ призвá, привéд ты вскрай Сёверныя страны, где просветѣл есѣ ты святѣм крещéнием неведущій Творца лопáрский рód, за ёже во утверждéние христіáнскаго вѣры мно́га изгнáнія и злoключéнія подъял есѣ.

И, близ рекѣ Печéнги в пусты́ню вселѣвсѣ, брáтію из мно́гих градов и вёсей собрав, вéлию обѣтель Святѣя Трѳіцы воздвѣгл есѣ, и при отшéствии к небéсным селéнием о посещéнии твоѣя обѣтели прорóчества дáръ от Бóга воспріѣл есѣ. По скончáнии твоём мно́га чудеса́ и цельбы́ с вѣрою просѣющим ты на мóри и на сýши сотворѣл есѣ и до днé сего́ творѣши.

Тéмже мо́лим ты, достохвáльнѣ óтче, не забúди присещáти чад твоѣх, приходѣщія к тебѣ с вѣрою. Я́ко имѣѣй дерзновéние к Безсмёртному Царю́ Христú всех Бóгу, не премолчи́ за ны и не прѣзри нас, вѣрою и любóвию чтúщих ты и с любóвию помина́ющих святу́ю пáмять твою́.

А́ще бо ты тѣлом и престáвился есѣ от нас, и мóщи твоѣ незрѣмы нам суть, но и по смёрти, живѣй дýхом, вѣну чудодействуеши. Молѣтвами твоѣми сохраняй нас от страха́ нощна́го и стрелы́ летѣщія во днѣ, от прѣлести бесóвскія и от всяких враг вѣдимых и невѣдимых.

О, пáстырю наш дóбрый! Понéже вѣну в Трѳіце слáвимому Бóгу при Престóле Егó непостижѣмага велѣчества неотстúпно в молѣтвах предстоѣши, тогó рáди усérдно к тебѣ прибега́ем и мо́лимтисѣ: испросѣ нам врѣмя к покаянію, да в час исхóда душѣ прѣйдем от земных к небéсным, мытарств же воздúшных и вѣчныя

мѹки избавимся и Вѣчному Царствию Христову со всіми от вѣка Бѹгу угодившими наслѣдницы бѹдем.

О, преблаженне и преподобне отче наш Трифоне! Не презри и ныне нас, притекающих к тебѣ, яко да молитвами твоими и помощию спасаеми, славу и благодарение, хвалу и поклонение за вся в Троице Единому Бѹгу, всех Создателю возсылаем, Отцу и Сыну и Святому Духу, ныне и присно и во веки веков.

Аминь.